

SCRIPT OF MORNING GOJRI NEWS BULLETIN 24MAY 2025 1015HRS

مارننگ گو جری نیوز بلیٹن مورخہ 24 مئی 2025

یوہ آکا شوانی جموں ہے محمد اکرم تیں خبر سُنو۔

INDIA UNSC

بھارت نے اقوام متحدہ غی سلامتی کونسل مانہ پاکستان کی کڑی تنقید کی ہے جس مانہ کئی دہائیاں توں سرحد پار تیں ہون آلا دہشت گرد حملہ نانہ اُجگر کیو ہے اقوام متحدہ مانہ بھارت گا مستقل نمائندہ سفیر پروت نینی بریش نے یا گل تنازعات آلا علاقیاں مانہ شہریاں گا تحفظ ور کھلی بحث گے دوران کی اُنہانے پاکستان ور دہشت گردی مانہ فروغ دینواسطے عام شہریاں نانہ ڈھا کنوے گا طورور استعمال کرنگو الزام لایو تے مزید کیو کہ دنیا نے حال ہی مانہ دیکھيو ہے کہ پاکستان گا سنئیر حکام نے حال ہی مانہ اپریشن سندھور مانہ ماریا گیا دہشت گردان نانہ خراج عقیدت پیش کیو ہے اس موقع ور اُنہاں نے بھارتی سرحدی علاقیاں مانہ پاکستان غی طرفوں حملات گیمزمت کی تے 11/26 ممبئی حملہ تے 22 اپریل 2025 گا پہلگام قتل عام جیسا ماضی گا واقعات نانہ یاد کیو اُنہاں نے کہیو کہ جہیڑی قوم دہشت گردان نانہ شہریاں گے برابر درجو دیتی وے۔ اُس نانہ شہری تحفظ ور گل کرن گو کو حق نہیں ہے۔

LOP POONCH VISIT

لوک سبھا مانہ حزب اختلاف تے کانگریس گا سابق صدر راہل گاندھی حالیہ پاکستانی گولہ بھاری تیں متاثرہ خاندانان نال ملن واسطے اج پونچھ گو دورو کر رہیا ہیں۔ 22 اپریل 2025 گا دہشت گردانہ حملہ گے جد یوہ اُن گو جموں کشمیر گو دوجو دورو ہے کانگریس گا سنئیر لیڈراں گے ہمراہ راہل متاثرین گا اہل خانہ نال گل بات کریں گا۔

SAKINA HEALTHCARE

وزیر صحت سکتینہ اتو نے اس گل ور زور دتو ہے کہ معیاری صحت کی دیکھ بھال تے تعلیم توڑی رسائی حکومت کی اولین ترجیح ہے اُنہانے یاہ گل کوکرنانگ حلقہ انتخاب گا دورہ گے دوران کی عوام نال گل بات غے دوران اُنہاں نے یقین دہانی کروائی کہ صحت کی دیکھ بھال گا بنیادی ڈھانچہ مانہ برا اپ گریڈ بشمول نویں سہولیات جلد ہی شروع کی جیں گی۔ وزیر موصوف نے جموں کشمیر مانہ خدمات نانہ بہتر بنان واسطے حکومت گا عزم گو اعدادو کیو تے وعدہ کیو کہ خطہ کی فلاح و بہبود تے ترقی واسطے چایا گیا تمام عوامی مسائل نانہ فوری طور ور دور کیو جے غو۔

CS IWT

چیف سیکرٹری اٹل ڈلو نے ایک میٹنگ غی صدارت کی جس مانہ جموں کشمیر مانہ جہلم، چناب تے راوی دریاواں ور اندرونی آبی نقل و حمل شروع کرن غا امکانات ور غور کیو گیو اُنہاں نے کہیو کہ اندرونی دریائی سفر غو نظام ایک ماحول دوست تے کم خرچ سفری طریقو ہے جہیڑو کئی ضلعان نانہ آپس مانہ جوڑ سکے منصوبیاں مانہ بجلی تیں چلن آلی کروڑ کشتی غی تجویز دتی گئی ہے جہیڑی 20 مسافراں نانہ لے جاسکے غی۔ چناب ڈلو نے اس

منصوبہ نانہہ جلد مکمل کرنور زور دتو تانجے سیاحت نانہہ فروغ مل سکے تے دور دراز علاقہ غی آمدرفت بہتر وے۔ انہاں نے کہیو اس پلاہدار ٹرانسپورٹ منصوبہ نانہہ جلد از جلد نافز کرن واسطے ایک واضع وقت غے نال ایک مشترکہ منصوبہ بندی نانہہ تیار کیو جے۔

PM MKB

وزیر اعظم نریندر مو دی ملک تے بیرون ملک رہ رہیا بھارتی شہریاں سنگ پلک 25 مئی نانہہ سویرے 11 بجے آکا شوانی ور من کی بات پروگرام مانہہ اپنا خیالات سانجہ کریں گایاہ مابوار ریڈیو پروگرام غی 122 ویں قسط وے غی۔ یوہ پروگرام آکا شوانی، دور درشن، اے آئی آر نیوز ویب سائٹ تے نیوز آن لائن مو بیل ایپ ور نشر تے ٹیلی کاسٹ کیو جے گو۔ اس توں علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینل ور وی براہ راست نشر تے ٹیلی کاسٹ کیو جے گو۔ آکاش وانی اس پروگرام غی بندی نشریات غے فوراً بعد اس نانہہ علاقہ کی زبانان مانہہ وی نشر کرے گو۔

GDC KATHUA

سرکاری ڈگری کالج کٹھوہہ گا این ایس ایس کیڈٹس موہت کناتھیہ نے 18 مئی 2025 نانہہ دنیا کی سب توں بلند ترین چوٹی ور پُج گے جموں کشمیر گو سے فخر نال اُچو کیو بے ملک بھر گا دس کیڈٹس وچون این سی سی اورسٹ مہم 2025 واسطے جموں کشمیر گا منتخب ہون آلا واحد کیڈٹس گا طور ور موہت نے غیر معمولی سمٹ گو مظاہر کیو بے اس مہم نانہہ وزیر دفاع راجناتھ سنگھ نے سخت تربیت گے بعد اپریل مانہہ چھنڈی دس گے روانہ کیو تھو اس دوران کالج گا پرنسپل پروفیسر سینا میر نے موہت کی حوصلہ افزا کامیابی نانہہ سرابتاں و اس کی کامیابی تے خُبالوطنی گا جذبہ نانہہ آجاگر کیو کالج نے اس تاریخی کامیابی مانہہ اہم تعاون واسطے این سی سی افسران تے تربیت کاران گو شکریو وی ادا کیو۔

ANNOUNCEMENT

علاقہ کی خبراں گو شعوبو آکاشوانی جموں ضلع کٹھوہہ واسطے خبر ٹورن غی خاطر نمائندہ کولوں درخواست طلب کرن غو خواہش مند بے واضع رہ جے درخواست گزار غی عمر غی حد 24 توں 50 براں توڑی مقرر کی گئی بے درخواست گزاران ناں اطلاع دتی جے، جے خبراں غی خاطر نمائندہ غی تعلیمی قابلیت صحافت مانہہ پوسٹ گرجیشن غی ڈگری یا فر کسی تسلیم شدہ یونیورسٹی تیں ڈپلومو ہونو لازمی بے اس تیں علاوہ ۲ سال غو صحافت مانہہ تجربو وی ضروری بے علاقہ کی خبراں آلا شعوبہ توں جاری نوٹفکیشن مانہہ کہیو گیو بے جے درخواست گزار ضلع صدر دفتر کٹھوہہ غا 10 کلو میٹر غا دائی پری غے اندر بسنیک وین۔ واضع رہ جے درخواست غی ہاڈ کاپی 15 جون شام 6 بجے توڑی آکاشوانی نیوز پنچترتھی جموں مانہہ جمع کر لی جاسکیں۔ مزید تفصیلات غی خاطر ویب ور رابطو کرسکیں۔ www.newsonair.gov.in سائٹ
